

বিষয়: ২০২২-২৩ অর্থবছরে বার্ষিক কর্মসম্পাদন চুক্তির সাইসমিক কার্যক্রমের অক্টোবর ২০২২-এর পর্যালোচনা সভার কার্যবিবরণী।

সভাপতি মোঃ আঃ খালেদ মল্লিক
অতিরিক্ত সচিব (প্রশাসন), জ্বালানি ও খনিজ সম্পদ বিভাগ
সভার তারিখ ৩১-১০-২০২২ খ্রি.
সভার সময় বেলা ১২:০০ মিনিট
স্থান অনলাইন সিস্টেম
উপস্থিতি রেকর্ডেড

২.০ উপস্থাপনা:

সভাপতি অনলাইন সিস্টেমে সংযুক্ত সকলকে স্বাগত জানিয়ে সভার কার্যক্রম শুরু করেন। তিনি সভাকে জানান যে, ২০২২-২৩ অর্থবছরের বার্ষিক কর্মসম্পাদন চুক্তির আওতায় পেট্রোবাংলার আওতাধীন বাপেক্স, বিজিএফসিএল ও এসজিএফএল-এর বাস্তবায়নধীন সিসমিক জরিপের ০৬টি প্রকল্প রয়েছে। প্রকল্পসমূহের অক্টোবর/২২ মাসের অগ্রগতি বাস্তবায়ন করা এই কমিটির মূল কার্যক্রম। গত সভার সিদ্ধান্ত অনুযায়ী প্রতিটি প্রকল্পের অংশভিত্তিক সময়বদ্ধ কর্মপরিকল্পনা প্রণয়ন করা হয়েছে। এ থেকে প্রকল্পসমূহের বাস্তবায়ন মনিটরিং এর কাজটি সহজ ও বস্তুনিষ্ঠ হবে। যথাযথভাবে প্রকল্প কাজের কর্মপরিকল্পনা প্রণয়ন ও প্রেরণ করার জন্য তিনি সংশ্লিষ্ট সকলকে ধন্যবাদ জানান। অতপর সভায় প্রণীত কর্মপরিকল্পনা অনুযায়ী প্রকল্পসমূহের বাস্তবায়ন অগ্রগতি, পর্যালোচনা ও সিদ্ধান্ত নিম্নরূপে উপস্থাপিত ও গৃহীত হয়।

৩.০ আলোচনা:

সভাপতি উল্লেখ করেন যে, পেট্রোবাংলার আওতাধীন বাপেক্স-এর ২টি ২ডি সিসমিক ও ১টি ৩ডি সিসমিক এবং এসজিএফএল-এর ২টি ৩ডি সিসমিক প্রজেক্টের কার্যক্রম চলমান রয়েছে। এছাড়া বিজিএফসিএল-এর একটি ৩ডি সিসমিক প্রকল্পের উদ্যোগ গ্রহণ করা হয়েছে। জ্বালানি ও খনিজ সম্পদ বিভাগের ২০২২-২৩ অর্থবছরে বার্ষিক কর্মসম্পাদন চুক্তি (এপিএ)-তে ১০০০ (এক হাজার) লাইন কিলোমিটার ২ডি এবং ৭০ (সত্তর) লাইন কিলোমিটার ৩ডি সিসমিক জরিপ সম্পাদনের পরিকল্পনা রয়েছে।

৩.১। সভাপতি সিসমিক জরিপ কার্যক্রমের সেপ্টেম্বর-২০২২ মাসে অনুষ্ঠিত সভায় গৃহীত সিদ্ধান্তের বাস্তবায়ন অগ্রগতি উপস্থাপনের জন্য কমিটির সদস্য সচিব কে আহ্বান জানান।

৩.২। সেপ্টেম্বর-২০২২ মাসে অনুষ্ঠিত সভায় গৃহীত সিদ্ধান্তের বাস্তবায়ন অগ্রগতি বিষয়ে বাপেক্সের ব্লক ১৫ এবং ব্লক ২২ সিসমিক প্রকল্পের পরিচালক জানান যে, গৃহীত সিদ্ধান্ত অনুযায়ী সিসমিক মনিটরিং কমিটি ১৫ নভেম্বর এর পর যে কোন সময়ে প্রকল্প এলাকা পরিদর্শন করতে পারেন। সিলেট গ্যাস ফিল্ড লিমিটেড এর আওতাধীন অ্যাকারেজ ব্লক-১৩ ও ১৪-এর অবমুক্ত এলাকায় সিসমিক সার্ভে প্রকল্পের প্রকল্প পরিচালক সভায় অবহিত করেন যে, সিসমিক ডাটা একুইজিসান এর জন্য বিস্ফোরক ও ডেটোনেটর মাঠ পর্যায়ে অস্থায়ী মজুদের স্থানে স্থানান্তর হয়েছে। সিসমিক ডাটা একুইজিসান এর জন্য আপহোল ড্রিলিং কার্যক্রম শুরু হয়েছে এবং মূল ডাটা একুইজিসান ডিসেম্বর মাসের প্রথম সপ্তাহে শুরু হবে। সিসমিক মনিটরিং টিম নভেম্বর/ ডিসেম্বর মাসে প্রকল্প এলাকা পরিদর্শন করতে পারে। সিলেট গ্যাস ফিল্ড লিমিটেড পরিচালিত বিয়ানিবাজার ৩-ডি প্রকল্পের পরিচালক জানান যে, ডাটা একুইজিসান এর জন্য আপহোল ড্রিলিং কার্যক্রম শুরু হয়েছে এবং ডিসেম্বর মাসে মূল একুইজিসান শুরু হবে। পরিদর্শন টিম ডিসেম্বর মাসে প্রকল্প এলাকা পরিদর্শন করতে পারে।

৩.৩। সভাপতি কার্যবিবরণীতে অন্তর্ভুক্ত বিষয়সমূহ উপস্থাপনের জন্য সদস্য সচিব কে আহ্বান জানান এবং প্রকল্প পরিচালকদের তাদের পাঠানো কর্মপরিকল্পনার হুক অনুযায়ী সর্বশেষ অগ্রগতি উপস্থাপনের জন্য আহ্বান জানান। বাপেক্সের ব্লক ১৫ এবং ব্লক ২২ সিসমিক প্রকল্পের পরিচালক সভাকে জানান যে, তাদের পাঠানো সময়বদ্ধ কর্মপরিকল্পনা অনুযায়ী কার্যক্রম চলমান রয়েছে এবং প্রকল্প বাস্তবায়নে আপাততঃ কোন চ্যালেঞ্জ নেই। ২০২২-২০২৩ অর্থবছরের মধ্যেই তারা

১১০০ লাইন কিলোমিটার ২ডি সার্ভের ডাটা একুইজিসান সম্পন্ন করতে পারবে। ব্লক ৬বি সাউথ এবং ১০ প্রকল্পের পরিচালক জানান যে, তাদের প্রেরিত সময়াবদ্ধ কর্মপরিকল্পনা অনুযায়ী বিভিন্ন ধরনের কার্যক্রমের মধ্যে অস্থায়ী জনবল নিয়োগের লক্ষ্যে দরপত্র আহ্বান করা হয় এবং সেগুলোর কারিগরি মূল্যায়ন সম্পন্ন হয়েছে, এখন আর্থিক মূল্যায়ন সম্পন্ন হবে, সমন্বিত মূল্যায়ন করে জানুয়ারি মাসের মধ্যে চূড়ান্ত নিয়োগ সম্পন্ন হবে। ভাড়াকৃত যানবাহনের জন্য ইতোমধ্যে চুক্তি সম্পন্ন হয়েছে। কমিউনিকেশন যন্ত্রপাতি, ডাটা একুইজিসান এর জন্য হার্ডওয়ার ও সফটওয়ার, পজিশনিং/ টপোসার্ভের যন্ত্রপাতি, ডাটা একুইজিসান এর প্ল্যানিং/ডিজাইন/মান নিয়ন্ত্রণ যন্ত্রপাতি ও ফিল্ড প্রেসেসিং হার্ডওয়ার ও সফটওয়ার এবং ড্রিলিং মেশিন ও এক্সেসরিজ এর যন্ত্রপাতি ক্রয়ের জন্য পত্রিকায় আন্তর্জাতিক দরপত্র আহ্বান করা হয়েছে। ডাটা ইন্টারপ্ৰিটেশন এর জন্য টেকনিক্যাল স্পেসিফিকেশন ঠিক করা হয়েছে আনুসাংগিক হার্ডওয়ার ও সফটওয়ার ক্রয়ের জন্য নভেম্বর মাসের মধ্যেই পত্রিকার মাধ্যমে আন্তর্জাতিক দরপত্র আহ্বান করা হবে। আন্তর্জাতিক সিসমিক প্রোডাইডার নিয়োগের জন্য EOI মূল্যায়ন সম্পন্ন হয়েছে, বাপেক্স বোর্ডের অনুমোদন পেলে মূল্যায়নকৃত কোম্পানি বরাবর RFP প্রেরণ করা হবে। এছাড়াও মাঠ পর্যায়ে কার্যক্রম শুরু হলে স্থানীয় বাজার হতে স্থানীয় মালামাল ক্রয়ের জন্য RFQ এর মাধ্যমে ক্রয়কার্য সম্পাদন হবে। দাপ্তরিক কার্যক্রম চলমান রয়েছে এবং প্রকল্প বাস্তবায়নে কোন প্রতিবন্ধকতা নেই। এছাড়াও, জকিগঞ্জ এবং পাথারিয়া স্ট্রাকচারে ৩ডি সিসমিক প্রকল্পের ডাটা একুইজিসান কার্যক্রম নভেম্বর, ২০২২ মাসে শুরুর লক্ষ্যে আনুষঙ্গিক কার্যক্রম চলমান রয়েছে।

৩.৪। সিলেট গ্যাস ফিল্ড লিমিটেড-পরিচালিত বিয়ানিবাজার গ্যাসক্ষেত্রে ১৯১ বর্গ কিলোমিটার ৩-ডি সিসমিক কার্যক্রমের প্রকল্প পরিচালক সভাকে জানান যে, পরিকল্পনা অনুযায়ী তাদের কার্যক্রম চলমান রয়েছে। তবে সীমান্ত সংলগ্ন কিছু এলাকায় সিসমিক ডাটা একুইজিসান এর সময় এক্সপ্লোজিভ চার্জ এর বিষয়ে বিজিবি এর আপত্তি রয়েছে। তারা এ বিষয়ে বিজিবি এর সাথে আলোচনা করেছে এবং পেট্রোবাংলার মাধ্যমে জ্বালানি ও খনিজ সম্পদ বিভাগকে অবহিত করেছে। পরবর্তীতে জ্বালানি ও খনিজ সম্পদ বিভাগ বিষয়টি জননিরাপত্তা বিভাগ কে জানিয়েছে, তবে এখনো বিষয়টি নিষ্পত্তি হয়নি। এছাড়াও অ্যাকারেজ ব্লক-১৩ ও ১৪-এর অবমুক্ত এলাকায় ৮৬৫ বর্গ কিলোমিটার ৩ডি প্রকল্প পরিচালক সভাকে অবহিত করেন যে, সিসমিক ডাটা একুইজিসান এর জন্য আপহোল ড্রিলিং কার্যক্রম শুরু হয়েছে, তবে কিছু এলাকা বিমান বাহিনীর হওয়ায় তারা আপত্তি তুলেছে, এ প্রেক্ষিতে জ্বালানি ও খনিজ সম্পদ বিভাগ এর মাধ্যমে প্রতিরক্ষা মন্ত্রণালয়ের অনুমোদন পাওয়া গেলেও বিমান বাহিনী তাদের ইউনিটসমূহের সাথে আলোচনা করে বিষয়টি জ্বালানি ও খনিজ সম্পদ বিভাগকে অবহিত করবে বলে জানিয়েছে। তাছাড়া সার্ভে এলাকার কিছু অংশ বনবিভাগের আওতাধীন হওয়ায় পরিবেশ, বন ও জলবায়ু পরিবর্তন মন্ত্রণালয়ের অনুমোদন কামনা করা হয়েছে। সংশ্লিষ্ট প্রকল্প পরিচালক এ বিষয়ে সিসমিক মনিটরিং টিম এর সহায়তা প্রত্যাশা করেন।

৩.৫। বাংলাদেশ গ্যাস ফিল্ড কোম্পানি লিমিটেড-এর ব্যবস্থাপনা পরিচালক সভাকে অবহিত করেন যে, হবিগঞ্জ ফিল্ড ও তদুৎসংলগ্ন অবমুক্ত এলাকাসহ ৮৭৫ বর্গ কি.মি. এবং বাখরাবাদ ও মেঘনা ফিল্ডে ৫৭৫ বর্গ কি.মি. সহ সর্বমোট ১৪৫০ বর্গ কি.মি. এলাকায় ৩-ডি সাইসমিক জরিপ পরিচালনার লক্ষ্যে তারা জিওবি অর্থায়নের প্রকৃতি নির্ধারণে জ্বালানি ও খনিজ সম্পদ বিভাগের পূর্ব সম্মতি গ্রহণ এবং অর্থ মন্ত্রণালয়ের অনুমোদন গ্রহণের জন্য ১৪-০৯-২০২২ তারিখে পেট্রোবাংলা হতে জ্বালানি ও খনিজ সম্পদ বিভাগে ডিপিপি প্রেরণ করা হয়েছে। বাপেক্স এর মাধ্যমে ৩ডি সিসমিক সার্ভে সম্পাদনের লক্ষ্যে খসড়া চুক্তি প্রণয়নের জন্য বাপেক্স এবং বিজিএফসিএল এর কর্মকর্তাদের সমন্বয়ে একটি কমিটি গঠিত হয়েছে। কমিটি সর্বশেষ ২০-১০-২০২২ তারিখে তৃতীয় সভায় মিলিত হয়ে খসড়া চুক্তির বিষয়ে আলোচনা চলমান রেখেছেন। এ বিষয়ে জ্বালানি ও খনিজ সম্পদ বিভাগ, পেট্রোবাংলা ও বাপেক্স এর সাথে তারা যোগাযোগ রক্ষা করে চলেছেন।


৩.৬। সভাপতি চলমান প্রকল্পে যে সকল চ্যালেঞ্জ রয়েছে সেগুলো নিরসনে সংশ্লিষ্ট প্রকল্প পরিচালকগণকে এ বিভাগের পরিকল্পনা/উন্নয়ন উইং এবং পেট্রোবাংলার পরিকল্পনা উইং এবং সংশ্লিষ্ট দফতরসমূহের সাথে আলোচনা করে ও তাদের সহায়তা নিয়ে নিষ্পন্ন করার পরামর্শ প্রদান করেন।

৪.০ সিদ্ধান্ত:

বিস্তারিত আলোচনা শেষে নিম্নবর্ণিত সিদ্ধান্ত গৃহীত হয়:

ক্রম	সিদ্ধান্ত	সিদ্ধান্ত বাস্তবায়নকারী
৪.১	সিসমিক মনিটরিং টিম নভেম্বর মাসে অন্ততঃ একটি প্রকল্প এলাকা সরেজমিন পরিদর্শন করবে;	বাপেক্স, বিজিএফসিএল, এসজিএফএল, সংশ্লিষ্ট প্রকল্প পরিচালক এবং সাইসমিক জরিপ মনিটরিং টিম
৪.২	বিয়ানিবাজার গ্যাসক্ষেত্রে ১৯১ বর্গ কিলোমিটার ৩-ডি সিসমিক কার্যক্রমের সীমান্ত সংলগ্ন এলাকায় এক্সপ্লোসিভ চার্জ এর বিষয়ে জননিরাপত্তা বিভাগের অনুমোদন গ্রহণ করতে হবে।	উন্নয়ন-৩ অধিশাখা, জ্বালানি ও খনিজ সম্পদ বিভাগ, এসজিএফএল
৪.৩	বিয়ানিবাজার গ্যাসক্ষেত্রে ব্লক-১৩ ও ১৪-এর অবমুক্ত এলাকায়, সিসমিক ডাটা একুইজিসান এর জন্য আপহোল ড্রিলিং কার্যক্রম শুরুর জন্য বিমান বাহিনীর ইউনিটসমূহের সাথে আলোচনা করে সুরাহা করতে হবে।	উন্নয়ন-৩ অধিশাখা, জ্বালানি ও খনিজ সম্পদ বিভাগ, এসজিএফএল
৪.৪	সিলেট গ্যাস ফিল্ড গৃহীত ২টি প্রকল্পের চ্যালেঞ্জ মোকাবেলায় সংশ্লিষ্ট প্রকল্প পরিচালকগণ পেট্রোবাংলা এবং জ্বালানি ও খনিজ সম্পদ বিভাগ এর সাথে সরাসরি যোগাযোগ রক্ষা করে সমস্যা সমাধানে ভূমিকা রাখবেন;	সংশ্লিষ্ট প্রকল্প পরিচালক, পেট্রোবাংলা এবং জ্বালানি ও খনিজ সম্পদ বিভাগ
৪.৫	প্রকল্পসমূহের অধীনে গৃহীত কার্যক্রম সুষ্ঠুভাবে সম্পাদনের জন্য সংশ্লিষ্ট সংস্থাসমূহের সাথে সময়মত যোগাযোগ রক্ষা করতঃ সঠিক সময়ে কার্যক্রম সম্পাদন করতে হবে।	বাপেক্স, বিজিএফসিএল, এসজিএফএল, সংশ্লিষ্ট প্রকল্প পরিচালক

৫। সভাপতি উপস্থিত সকলকে ধন্যবাদ জানিয়ে সভার সমাপ্তি ঘোষণা করেন।


১৩/১১/২২
(মোঃ আঃ খালেক মল্লিক)
অতিরিক্ত সচিব (প্রশাসন)
জ্বালানি ও খনিজ সম্পদ বিভাগ।